

I. N. I.  
SERPENTEM ÆNEUM  
LUCULENTISSIMUM  
JESU CHRISTI  
CRUCIFIXI  
TYPUM

*Ex Num. c. 21. v. 6. 7. 8. 9.*  
DIVERSIS MEDITATIONUM EXERCITIIS

IN  
GYMNASIO VRATISLAVIENSIIUM  
ELISABETANO

*Die XXV. Martii, ipso Soteriorum*

*Christianorum Festo*

*Horis à I. pomeridianis*

CONTEMPLANDUM

*indigitat*

M. JOHANNES FECHNERUS.

ANNO

*Reparata per Christum Salutis*

M. DC. XLIV.

---

BRESLÆ, exprimente GEORGIO BAUMANNO.





LECTORI BENEVOLO  
*Salutem, Amorem, Observantiam.*

**N**ter tot illustres typos, in quibus  
Messias ὁ Φιλοκτόνος olim populo suo  
contemplandum se exhibuit, nullus  
est, qui venerabile Crucis Dominicæ  
sacramentum plenius aut planius ex-  
primat, quam Æneus ille Serpens, quem Moyses in  
deserto Israelitis à serpentibus ictis erecto in stipite  
publicè contuendum proposuit. Vestros appello  
oculos, ò fideles Christi confessores, qui sacris or-  
thodoxæ religionis rectè estis imbuti, quorum cor-  
da Spiritus Sanctus salutari fidei lumine collustravit!  
Vos enim in horribili hac & sacra bestię proserpen-  
tis specie videtis, quod paganus non intelligit, quod  
Judæus apella obstinatè negligit. Videris, inquam,  
hic ectypam imaginem sacratissimæ illius hostię,  
quam unicus ille Novi Foederis Θεοσευξ & Pontifex  
Maximus JESUS CHRISTUS pro expiandis hominũ  
peccatis Deo patri in ligno obtulit. Videtis aram il-  
lam sanctissimam, in qua fulget emblemata serpentis  
συνεπίς, non Æsculapii; sed JESU CHRISTI crucifixi,  
cui meritò hoc inscribendum Lemma: SALUS PU-  
BLICA. Nam Filius ille Dei est catholicus homi-  
num Servator, qui ex arcano Sacro-sanctæ Trinita-  
tis consilio prodiens, protoplastis contra ictum  
serpentis



serpentis antiqui mortiferum remedium ostendit  
certissimum, dum malo illi medicinam adhibere ne-  
sciunt miseri.

Contra *Aspidis* & plurimorum angvium *morsus ve-*  
*menatos nullum, nisi divinum valere præsidium aserit* Magi-  
ster veritatis philosophicæ Aristoteles. Et quam-  
vis contra venenum viperarum aliorumq; quorun-  
dam serpentum *Φάφιανα θηριον* ex ipsa viperarum  
carne curiosa Medicorum solertia sciat parare & sa-  
lubriter attemperare: nulla tamen tam efficax est  
medela, quæ facile interfecerit pestem præsentissi-  
mam, quam dipsas, hammodites, causus & alii ser-  
pentum truculentissimi morfu letifero ictis abs se  
inferunt. Hoc enim veneni simulac sævire cæpe-  
rit in præcordiis vitæ fontem intercludit & homi-  
nem in ferreum subito collocat soporem. Et hoc  
quidem videre est in Israelitis, in quos Deus exerci-  
tum serpentum ignitorum immisit. Ecce, inva-  
dunt castra undiq; angves illi *καύσωντες*, sive *δρακόντες* serpentes  
*ιοβόλοι*, involant, quoscunq; offendunt, & tantam  
populo inferunt cladem, quantam non accepit exer-  
citus Catonis, cum in arenis Africæ ab huiusmodi  
monstris divexaretur. Ac licet non fuerint revera  
serpentes flammanes, qui ignem spirarent, uti vo-  
lunt Rabini: fuerunt tamen *inflammantes*. Icti *Deut. 8. v.*  
namq; ab ipsis contractâ ardentissima peste maximâ inflam-  
matione corripiebantur, quod Aulo Catonis signifero,  
cum ab urente causo ictus esset, accidisse scribit  
Lucanus:

*Ecce subit virus tacitum carpitq; medullas*

*Ignis edax, calidaq; incendit viscera tabo.*

Neq; morsum duntaxat pestiferum inferebant,

sed



sed cum morsu simul mortem, adeoq; reapse erant  
dava<sup>tes</sup>tes. Quid facerent igitur homines omnium  
occisissimi? post subitas plurimorum mortes con-  
tra virulentissima ista & ardentissimâ rabie armata  
Sneia nullum aliud restare præsidium videbant, nisi  
opem divinam.

Habes hîc archetypam imaginem vulneris illius  
letiferi, quod serpens antiquus nobis inflixit. Nam  
lingvâ suâ fallidicâ propinavit præstigiator ille pri-  
mo homini venenum pestilentissimum, quod uni-  
versam ejus naturam infecit, depravavit, corrupit.  
Excitavit, ut prester, æstum cupiditatum ferventis-  
simum, intulit, ut cæcates, alienationem mentis,  
induxit, ut aspis, torporem & veternum letalem.  
Quid multis? fallaci sub esca mortem præbuit tam  
temporalem, quam æternam. Insanabile erat hoc  
cacoethes, desperata erat hæc plaga, in qua curanda  
frustra desudabant iatraliptæ, frustra laborabant cli-  
nici. Omnem opem humanam respuebat vulnus  
hoc immedicabile. Nulla enim opera etiam san-  
ctissimorum tam congrua, tam efficacia sunt, quæ  
malo culpæ tollendo aut expiando sufficiant. Nisi  
cælestis animarum medicus auxilium tulisset, actum  
fuisset. Sed quam ille medicinam adhibet malo  
tam detestabili? Ingens sane operæ pretium erit  
hoc cognoscere. Adspice fodes æneum serpen-  
tem: hic exhibebit tibi signum *συνεχίας* hujus evi-  
dentissimum. Erigi illum jubet DEUS sub in-  
pertica, ut sit in propatulo, jubet eum intueri: ni-  
hil præterea adhibet. Neq; enim potionem aliquam  
medicam hauriunt ægri, neq; offam theriacam in  
os inverguut, neq; vulnera opobalsamo Syriaco in-  
ungunt:



ungunt; Sed intueri tantum iubentur serpentem,  
 æneum: & quicumq; id faciunt, ac remedium hoc di-  
 vinitus monstratum oculis usurpant, illi confestim  
 sanantur, *non quidem per hoc, quod vident, sed per salva-*  
*torem omnium, cuius Symbolum fuit æneus iste serpens.* *Sap. 16.7.*  
 Eodem modo *JESUS CHRISTUS* in excelso crucis  
 patibulo propositus est à Deo, ut communis propi-  
 tiator, ut unicus mediator inter Deum & hominem.  
 Ecce factus est pro nobis virorum novissimus, factus  
 est *vermis*. Ecce pendet è ligno ceu hæmorrhous *Ps. 22. v. 7.*  
 rubicundus, toto corpore cruentatus; omnibus *Act. 20.*  
 membris profundit sanguinem, quo emūdat nos ab *v. 28.*  
 omnibus peccatis, quo *sibi redemit Ecclesiam*. Hunc  
 δεσποτολέτην & Salvatorem crucifixum intueri, ô  
 homo peccator! Nam qui vult vitare Diaboli venenum,  
 inspiciat Christum cruci affixum, monet B. Augustinus. *Serm. 101.*  
 Intuere autem illum non oculis carnis, sed mentis, *de Tem.*  
 i. e., vera fide, verâ fiducia in meritum ejus suffici-  
 entissimum. Respice medicum, & Recipe sanita-  
 tem. Crede, inquam, & fides tua te servabit. Ita  
 vidit Salvatorem suum pater credentium Abraham, *Ioh. 8. v.*  
 & exultavit: credidit DEO & reputatum est ei ad justitiam. *56.*  
 Ita viderunt Christum quicumq; salvati sunt. *Gal. 3. v. 6.*  
 Audi Apostolos in oecumenico concilio congregatos:  
 Credimus per gratiam Domini nostri Jesu Christi salvari,  
 quemadmodum & patres. Audi orthodoxos doctores: *Act. 15. v.*  
 Quantalibet virtute (scribit Augustinus ad Bonifaci- *II.*  
 um) antiquos præditos fuisse prædices, non eos salvos fecit, *1.8. c. 21.*  
 nisi fides salvatoris, qui in remissionem peccatorum sangui-  
 nem fudit. Solâ fide allata (inquit Theodoretus)  
 peccatorum remissionem accipimus, quoniam velut quod- *In c. 3. ad*  
 dam redemptionis pretium Dominus corpus suum obtulit. *Rom.*  
 Sit in corde justitia (monet Bernhardus) & justitia, quæ ex *Serm. in*  
 fide *Vig. Nat.*



*fide est: hæc enim sola habet gloriam apud Deum. En Catholicum consensum! Credimus itaq; & nos in JESUM CHRISTUM, ut justificemur per fidem in ipsum. Indignentur Pagani, fremant Judæi, nos*  
*Es 11. v. 10.* *gloriamur in cruce Domini, quæ in vexillum gentibus est proposita. Laudet antiquitas, salutiferum Æsculapii angvem; prædicent fabulæ caduceum Mercurii gemino implicitum serpente, quo ille manes coercere & ex orco postliminiò revocare scribitur; jactent Mediolanenses eximia civitatis suæ insignia, quæ aureo in clypeo ostentant cæruleum serpentem rubicundum ore vomentem puerum, quæq; à Christianissimo heroe Gotofredo Bullionæo accepisse se gloriantur. Nos potius extolli-*  
*Ex 7. v. 12.* *mus Christum crucifixum, qui olim in figura serpentis se adumbravit, & ut victor inferorum gloriosissimus mortem absorpsit, velut olim serpens ille mysticus Aaronis divinâ ex virgâ productus virtute devoravit Magorum serpentes.*

*Bugat. l. 3.* *Mediolani in templo D. Ambrosii juxta aram-*  
*bist. Medi-* *Christi crucifixi collocatum olim fuit supra colu-*  
*olan.* *mnam marmoream simulachrum ænei serpentis, idq; ex ipsius Ambrosii instituto factum tradunt.*  
*Ser. 101.* *Eandem imaginem tanti fecit D. Augustinus, ut ser-*  
*de Temp.* *mone piarum meditationum plenissimo illam sibi sumserit explicandam. Patrum horum sanctissimorum exemplo admoniti constituimus & nos crastinâ luce, quâ Ecclesia divinâ favente gratiâ sacratissima Passionis Dominicæ beneficia pia recolecte mente, horis pomeridianis Typum SERPENTIS ÆNEI diversis meditationum Scholastico-Theologicarum exercitiis contemplari, & quantum divina*  
*nobis*



nobis largietur clementia, ex antitypo explicare, eo præprimis fine, ut Juventutem studiosam ad devotam Crucis Christi considerationem suscitarem.

Quoniam verò in pietate excitanda exempla quoq; quæ coram spectantur, multum valent, à Vobis, Viri Magnifici, Nobilissimi, Strenui, Amplissimi, Admodum-Reverendi, Excellentissimi, Consultissimi, Experientissimi, Clarissimi, Præstantissimi, Humanissimi, Literatissimi, Patroni enixissime colendi, Fautores plurimum honorandi etiam atq; etiam petimus, ut cras, Deo volente, hora I. pomeridiana Gymnasium nostrum invisere, & honorificam vestram præsentiam discipulos nostros ad debitam attentionem nobiscum inflammare non dedignemini. Neq; opus esse putamus prolixiori invitatione, cum in honorem Christi crucifixi, quem prædicabimus, vel sponte nobis præsto sitis futuri. Certi proinde favoris vestri promittimus Vobis observantiæ studia, exigua quidem illa, promississima tamen & paratissima. P. P. An. M. DC. XLIV. die Viridum, qui erat 24. Martii.





# SERIES RERUM AC PERSONARUM.

